

合州志卷三

職方志

普天之下莫非王土土地者三寶之首而人民  
政事從之自改設郡縣後道路部省府州沿革  
者屢矣合邑城郭鄉市與時推移而山川形勝  
歷古不變裂壤分疆星羅碁布凡所以申畫固  
守勞來而輯寧之者何一非守土之責耶志職  
方第三

沿革

山海經云海內西南有巴國大皞生成鳥咸鳥生

合州志

卷之三

職方

乘厘乘厘生後昭後昭為巴之始祖

禹會諸侯於塗山巴人與焉殷末佐周武王伐商

封支庶於巴故名濮國

春秋戰國為巴地

地輿廣記所書華陽志云以其宗姬於巴疑有  
誤字巴之先人出自高陽世為侯伯又佐周有  
功不容奪其國以封同姓蓋當是時巴境廣遠  
多不墾之田周始開之以國同姓而高陽之巴  
應自如故古之建國多然但歷世久遠無以言  
之周衰并為一國而滅於秦其為高陽之後與  
周之始封不可得而知也  
今兩存其說以俟知者

秦惠文王使張儀司馬錯滅巴以為巴郡今州郡

巴郡之地



漢高帝分巴蜀爲廣漢郡

獻帝興平元年益州牧劉璋始以墊江以上爲巴

郡建安六年劉璋改巴爲巴西郡永寧爲巴郡

固陵爲巴東郡

華陽志按晉志云初平元年劉璋分巴郡立永寧郡建安六年改永寧爲巴東郡巴西郡又立涪陵郡二十一年劉備分巴郡立固陵郡蜀章武元年又改固陵爲巴東郡巴西爲巴郡今案常璩去當時爲近所書宜得其實故定從璩志

蜀漢後主建興十五年復以墊江隸巴郡沈約宋志

晉地理志巴郡統縣四曰江州曰墊江曰臨江曰

枳

合州志

卷之三

職方

二

齊梁因之

西魏即墊江縣治置墊江郡以涪漢二水合更名

合州改墊江爲石照縣

後周爲宕渠縣

隋開皇三年改合州爲涪州

煬帝復改州爲郡以涪州爲涪陵郡領縣三石鏡

漢初赤水

唐武德元年復爲合州三年又置新明縣長安三

年置銅梁縣開元二十二年置巴川縣合六縣

天寶元年改州爲巴川郡乾元元年復爲合州



二年改隸潼川

五代時王建孟知祥據其地

宋乾德三年平蜀並為合州隸潼川路

元豐九域志合州巴川郡軍事領縣五石照漢初

巴川赤水銅梁

自班固至常璩皆以合州為巴地歷千有餘載為地理學者舉無異辭至慶歷以後妄人託名為唐末州隸事參軍李文昌撰圖經以合為故濮地其書之謬至以台州臨海郡為合州固無所用辯而謂今州有濮巖濮溪雙墓為巴濮王墓傳會以成其說或云益部耆舊傳謂楚襄王封庶子濮江之南號銅梁侯案秦取巴蜀後十九年而襄王始立是時合州之地入秦久矣襄王安得以封其子濮之名始見於書爾雅記四方極遠之國曰南至於濮也周書王會云卜人

合州志

卷之三

職方

三

丹砂注云卜即濮也西南之蠻丹砂所出其地則兩漢之牂柯越雋益州後漢之永昌蜀漢之建寧雲南興古等郡皆其故地故越雋之青蛉益州之秦滅皆有濮水永昌有閩濮鳩僚僚越保濮而興古有尾濮木綿文面折腰諸濮春秋時東北與楚邊西北與巴邊鄭語謂叔熊逃難於濮在周宣王六年後百一十有九年楚武王開濮地而有之巴志謂其屬有濮賓苴共之蠻蓋巴楚皆外連百濮故或開其地或役屬其人周詹伯謂巴濮楚鄧為吾南土而史傳相承併稱巴濮者此也為賈曰百濮離居各走其邑蓋濮之類甚多其地至廣不相君長故謂百濮豈今一州之地所能容誠使今州為濮地則是濮邇在巴之裏楚必先併巴而後能有濮而巴之為國終春秋之世屢與楚交兵戰國以後又見於戰國策史記巴滅無幾何而楚亦亡矣則是終楚之世不能以得志於巴又安能越巴以有濮乎史記秦孝公元年書楚自漢中南有巴黔中而蘇代亦曰楚得枳而國亡則是楚之季世僅能得巴之東境地而巴固自若地理之學雖



古今名號不同而疆域東西居然可辨安川評也李文昌所謂濮巖者本謂之北巖而濮溪則今自謂之博溪其詳各見本篇○以上墊江志

淳祐四年制置使余玠用冉璉冉璞謀徙城釣魚山

元至元二年復舊治隸重慶府屬川南道革漢初赤水二縣分漢初地更置定遠縣併巴川入銅梁與石照為屬縣

元末明玉珍據之國號夏

明洪武四年歸附仍為合州隸重慶府統石照銅梁大足定遠四縣五年革石照縣七年改大足

合州志

卷之三

職方

四

縣隸重慶府惟銅梁定遠屬焉稱名曰合陽巴川墊江

國朝仍為合州統銅梁定遠安居三縣裁三縣尹州牧兼攝

康熙六十年併安居入銅梁設縣令一員隸重慶府

雍正八年復設定遠縣令一員與合州並隸重慶府舊志

疆域

州在府北少西二百零五里東西距三百五十里



南北距一百二十里東至順慶府岳池縣界一百一十里西至潼川府安岳縣界二百四十里南至璧山縣界六十里北至定遠縣界六十里東南至巴縣界六十里西南至銅梁縣界七十里東北至定遠縣界六十里西北至潼川府遂寧縣界一百五十里 通志

東至隣水縣治二百五十里南至銅梁縣治九十里西至安居司治六十里北至定遠縣治一百二十五里東南至巴縣治二百里東北至岳池縣治二百一十里至廣安州治二百四十里西至遂寧縣治二百四十里至蓬溪縣治二百一十里

合州志

卷之三

職方

五

西至省城陸路九百里東往北京水路自合陽驛至會同館共一百零八驛八千六百三十五里北往北京陸路自州城至順天府八十二驛四千九百九十五里下南京水路自合陽驛至龍江驛共六十二驛五千三百零五里陸路至應天府治五千三百零五里 舊志

形勝

宋晁公武清華樓記魏大統中於巴屬要津置合



州其山曰龍多銅梁上接岷峨下繚阨越或斷或續屬海而止所謂南戒也其水曰涪曰嘉陵曰宕渠合流於城下貫江沱通漢沔控引衆川皆入於海所謂南紀也

左思蜀都賦云合州外負銅梁宕渠內含要害膏腴

趙懿新堤記云合州枕三江之口衆水之湊也

宋史云合州爲蜀口形勝之地

三國志云漢先主詣劉璋取道墊江入涪卽此地  
附錄

合州志

卷之三

職方

六

形勝書後

合攬三峽上流與岷江分外內爲蜀水門實控東之地後漢光武建武十一年命岑彭吳漢等伐公孫述乘利直指墊江述使其將延岑等悉兵拒廣漢明年滅述至獻帝建安十六年劉備召諸葛亮亮與張飛由墊江取巴西德陽會於成都晉惠帝永寧元年李特殺廣漢太守張微使其將蹇碩畧地至墊江大安二年宋岱孫阜斬特水軍三萬次城下特弟流之子雄與陰平太守譙登逆戰登敗之



益州刺史皮素至巴東遣將張順楊顯助登素至墊江遇害登爲雄所殺廢帝寧康元年姚萇爲寧州刺史屯墊江威遠將軍桓石虔率衆三萬與萇相拒萇兵敗退保五城安帝義熙元年劉裕遣劉敬宣入峽由墊江轉戰而前至遂寧之黃虎宋乾德四年六月王全斌敗王師雄於灌口師雄復合數州兵攻康延澤於普州延澤擊走之追奔至合州師雄病死淳化四年三月何光文攻隴合郡人袁延度率衆逆雷有終於安壩從有終破賊於

嘉陵江口遂復合州見延度語中觀此則合亦自古形勝之地通志載其東川重地西蜀要津信不誣也我

朝承平百餘載民忘其險群相安於星羅繡錯之中誠苞桑鞏固矣歷稽前代或經其地或戰其地史不絕書今錄其要以備覽焉

山

白花山在城內一名嘉福寺勢綿亘自純陽山聯絡而下直趨會江門爲州正脈下爲小白花山俗呼小寺



瑞應山、州署後。志載宋景德中有異木生，文成天下太平，宇故名。見八景。魏了翁有記。

學士山、州東過江三里，對會江樓，輿地紀勝，其高不出旁山，而南峰斜崖，諸山班班若居其下，圓聳秀潤，亦甚異也。唐學士曲端嘗憩之，故名。

東山、州東五里，兩峯對峙，俯瞰大江，有唐張柬之、宋趙伯瑋別業，舊址猶存，岩高四五丈，縈紆可二里，長松夾道，翠泛風濤，上建白塔，如文峯然。

釣魚山、州東隔江五里，輿地紀勝，涪內水在其南，西漢上流，經其北，山南大石砥平，有巨人跡，相

合州志

卷之三

職方

八

傳異人坐其上，投釣江中，因以名山。任逢詩：雖無渭水周家望，合有巖陵漢室光。

龜山、州東過江五里，與釣魚對峙。元憲宗親征，合城駐蹕之所。

東臺山、州東隔江五里，漢末薛融讀書之所，又名書臺山。

石州東十五里，元將攻釣魚城安營處。

車州東四十里，形如車輪，故名。

斜崖山、州東北八十里，高十餘里，有石橫亘崖腹，如拖修帛，迤長四五里許，崖下有龍洞，龍湫，畢



禱必應

馬驥山州東北一百五十里宋咸淳九年叛將劉整計築馬驥虎頭二山扼三江口以圖合合將張珏聞之乃張疑兵於嘉渠口潛師渡平陽灘火其資糧器械越砦七十里焚其船塢由是馬驥城築不就既而珏言于朝請城馬驥虎頭二山或先城其一以據險要不果

白鹿山州南過江四里勢平行圓澗上有梓潼觀可供遊息舊名桂麓人見白鹿出遊故名

銅梁山州南過江五里上有石梁橫亘其色如銅

合州志

卷之三

職方

九

左思蜀都賦曰外負銅梁而宕渠即此山也

仁勝山州南過江七里舊名火盆山與州治對峙州常患火明萬歷七年郡守劉芳聲甚憫焉乃親至其上命工人鑿池瀦水于山頂以厭之因更其名曰仁勝取孟子仁勝不仁猶水勝火之意

觀鹿山州南過江十五里方正如屏風一方之鎮九峯山州南過江四十里山勢排疊若斷若續

牟山州西十里唐康元良讀書處讀書臺存

龍遊山州西十五里蟠涪江之上其形如龍故名



砦山州西二十里峭峻如削相傳昔人避寇于此  
聖燈山州西六十里岩間夜有光熒然故名

鷓鴣山州西七十里山木陰濃多鷓鴣鳥

金子山州西八十里文峯聳秀翠拔千尋

青石山州西二百四十里接蓬溪縣界漢高祖時

巴蜀爭界久而不決一朝密霧石爲之裂自上

及下破處直如繩引于是巴蜀州治始判詳見

蓬溪

純陽山州北一里爲州坐山唐女冠范志元得道之

所也元一統志州治在其陽東南諸峯如榜一

合州志

卷之三

職方

十

州勝處也天寶間天使任安奉使至合慕志元

約期而會及往志元變爲男子劉鳳儀詩誰家

遊冶郎門前窺幽闥但見臉如花不知心似鐵

一夕變其軀雪質映雲髮昔爲桃李枝今作松

篁節

九煉山州北七里相傳老子煉丹昇仙之所丹井

丹竈石床俱存九域志云唐道士任處華居此

高望山州北十里山高百仞翠插天半州之祖

也

雲門山州北二十里嘉陵宕渠二江夾流左



傳漢隱士蘇汝礪所居又名龍門山蜀補  
渠口以爲雲門即此

四面山州北三十里山勢磅礴俯瞰大江四面皆峭削

豸山州北四十里插天聳秀形如蹲豸明洪武時龍泉湧出錢爨飛至辛酉歲叢竹挺生一本雙幹人謂此山之靈驗學之科第

冠山州北四十里與豸山相連其形似冠明成化進士郡人龔鐘故里捨田入寺

點山州北六十里山勢兀突高出羣峯

合州志

卷之三

藏方

十一

龍多山州西北一百里委蛇如盤龍故名山高而秀或呈而高明或幽而窅深晦明變態惟意所適宋馮時行詩兒童便讀山中記老大才登  
裏山何麒詩世路聲牙赤水過故升天險問  
多書中舊識唐公昉圖裏又聞馮益羅

巖

濮巖州西北五里上有定林院

西巖在濮巖西上有西巖寺

滴水巖州西五里

黑巖州北五里俗名黑巖頭



薌林書巖州北五十里穿石爲室壁多古篆

宋名蹟

弔古巖州西北六十里

梳耳巖州東一有二十里與華蓋接壤

宿雲巖在銅梁山

方巖在宿雲巖右

豁巖在釣魚山南取杜詩野寺江天豁之意

中巖在釣魚山中

卧佛巖在釣魚山北上有大佛横卧故名

古書巖在巴川縣未詳石間隱如篆文不可讀

合州志

卷之三

職方

十一

東巖在龍多山高五十丈

石

懶龍石州北三佛灘下有石直亘江心形如懶龍

立石州西三里涪江北岸有石屹立高數丈俗名

立石子

園

北園未詳所處元一統志引李石龍門蘇氏龍宗

蘇氏父子兄弟以四世之學庇五畝之宮

荔枝園在濮巖宋時稱勝處

補骨脂園在釣魚山下方廣二畝許



洞

聯珠洞在城內接龍書院瑞應山左有記見  
中為太極洞前人有巖端雨洗千竿碧石  
生六月寒之句

銅梁洞在銅梁山唐閻邱道人修煉于中丹井  
局尚存

仙人洞在鶴鳴里

斜崖洞在斜崖山下

甘泉洞州東過江四里見八景

康家洞州東過江五里

合州志 卷之三

職方

十三

李家洞州西北六里李萬戶鑿有曲水

洞子孔州東北十五里

南峯洞州東南二十五里洞深五里許相傳昔

神仙居此

壩

蔡壩州東五里在龜山下

照鏡壩州東十里

海子壩州東十五里

三匯壩州東一百二十里

蓮花壩州東一百四十里



南壩州南過江三里在南津街上  
鮮家壩州西六里

坪

稜角坪州北四里

清江坪州東一百二十里

方溪坪州西二十里

白塔坪州東五里

晒穀坪州東四十里在瀝鼻峽岸十月水落以聚石多寡占歲豐歉

江

涪江在州治前發源幡冢即經所謂幡冢導漾是也經綿州過潼川遂寧安居至州治與嘉陵合

合州志

卷之三

職方

十四

謂之墊江又名內江蓋由重慶上瀘州謂之外江上合州謂之內江杜甫送十五弟使蜀詩云數杯巫峽酒百丈內江舡即此謂也漢志剛氏道涪水南至墊江入漢水後漢建武十一年岑彭討公孫述自墊江進攻破平曲收其米數十萬石既又命臧宮泝涪水上平曲拒延岑於廣漢平曲蓋在涪水濱以坡平水曲爲名建安十六年昭烈由墊江詣涪城亦即此水經注涪水南至小廣魏縣南入於墊江亦謂之內水元和志涪江在銅梁縣東北四十里又經石照縣南



去縣三百步方輿勝覽內江在州南百步府志自  
遂寧白禪寺入安居縣界流五十里合兜溪河  
又三十里經縣北門外又十里至陽壽舖入州  
界又一百四十里至州東南入江

嘉陵江在州治北即西漢水派自陝西白水經廣  
元縣界過保寧順慶與宕渠合流遶州治東下  
與涪江會下重慶府會江水合流數千里而朝  
宗於海勝覽云西漢水在石鏡縣東百步戰國  
策所謂漢中之甲輕舟出於巴乘水下漢四日  
而至五渚者也其源出西和州徼外經階沔又

合州志

卷之三

職方

十五

經大安軍利劍閭果與宕水合流至州治東與  
涪江會

渠江在州東北自廣安流入嘉陵江水經注謂之  
宕渠水又名渝水潛水寰宇記渠江源出萬頃  
池經巴達渠等州廣安軍界至州東北十里與  
嘉陵江合輿地紀勝至雲門鎮入江

河

五二

臨渡河州南二十里入涪江

渠河即渠江俗呼爲河

峽



銅口峽州東下大江三十里峽口巨石介江水勢  
迤激洄湧

瀝鼻峽州東下大江四十里俗呼牛鼻峽誤

溪

白比溪大南門外入涪江

溪了口朝陽門外入嘉陵江

濮溪州西北源自濮巖行三里至州洛陽門入涪

江又名西溪又名洛陽溪

鹽溪州北二里源出黑巖頭東入嘉陵江

葛溪州北二十里源出青竹哨經雙塹礮東入渠

合州志

卷之三

職方

十六

江

石鼓溪州北二十里源出墊江里經石鼓礮入嘉

陵江

蒲溪州北四十里東入渠江

大鰲溪州北五十里源出大廬山經觀音礮馬草

灘入渠江

藍溪州北八十里源出仙門鎮東流入嘉陵江

堯油溪州北一百二十里源出龍多山至鶴鳴里

與藍溪合流

侯溪州南三里源自銅梁縣龍洞山下經臨渡河



入涪江

陽溪州南三里源出南峯漕入大江

富浴溪州東二十里入大江宋富弼往陝西道經

合曾浴此溪故名

沙溪州東三十里源出南峯漕入大江

渭子溪州東北八十里入宕渠江

流溪州東北一百里源出華蓋山入宕渠江

沱

渭沱涪江二十里

化身沱涪江上六十里

金子沱嘉陵江五十里

龍王沱涪江上七十里

合州志

卷之三

職方

十七

明月沱渠江五里

驚口沱涪江上二百二十里

思龜沱渠江二十里

東津沱大江下三里

接官沱大江下四里

龍洞沱大江下五里

鑷梁沱大江下三十里

灘

渭沱灘在渭沱

平

烏木灘涪江

平

思居灘嘉陵江

夏險



石鵞灘嘉陵江思居舖上冬險

石門灘嘉陵江夏險

蝦蟆灘渠江夏秋

涑灘渠江涓子溪下平

金灘在羅灘下平

丈八灘在金灘下平

鑿梁灘在鑿梁沱巨石橫江屢壞舟楫知州張兌

和募工鑿平之今人慶安瀾矣

沙溪灘大江夏秋

虬門灘大江夏秋

合州志 卷之三

職方 十八

磧

金沙磧會江門外大江南沙脊隆起如洲見八景

金鐘磧嘉陵江去城六十里相傳洪武年間金鐘

寺鐘飛入江中每出河水通紅土人嘗見之

井

三皇井儒學後舊三皇廟址

天寧井城隍廟後

北方井州北迎恩門外南方井在南津渡口巖畔

雙眼井州南涪江岸龍眼井在州南觀音巖上

泉



瀑布泉在釣魚山自巖腹中瀉出直注大江如瀑布然

龍老泉州西北九十里故老云常見女子理髮石上俗呼婦遙泉

鷲臺泉在龍多山見馮時行鷲臺院記唐孫職方文與古今詩什並刻岩下

飛仙泉在龍多山相傳有茯苓兒感乳母哺之度一家仙去因名

靈陰泉在龍多山自白石間流出大旱不渴

溫泉在縉雲寺水沸如湯可澡浴今屬巴縣界丁

合州志

卷之三

職方

十九

謂詩勝景遊來地烟嵐迥出羣水溫何用火出冷自多雲

池

黑龍池在栢樹街後詳古蹟

元武池在慧靈宮後長一丈闊二尺深一丈州常患火因鑿池瀦水制之一名明月池

天池在釣魚山週圍五百餘步大旱不渴

官魚池州北二十里渠江西岸石盤中深數十丈冬涸令漁人捕魚以充祭品故名

放生池在龍多山唐武則天命僧鑿爲放生之池



古蹟

巴子城華陽國志巴子時都江州或治墊江合州卽墊江故地巴之別都也元和志巴子城在合州石鏡縣南五里今州治之南地名水南俗謂之故城口舊圖經作宋王城誤

按舊志有宋王城輿地紀勝在州南二里此亦相沿圖經之誤今據墊江志正之

石照廢縣古墊江地漢置墊江縣屬巴郡梁敬帝時益州陷魏前梁州刺史譙淹屯於東遂寧爲宇文貴所攻徙屯墊江尋爲賀若敦所敗地遂

合州志

卷之三

職方

二十

入魏隋改涪陵郡西魏以墊江爲郡更名合州改縣爲石鏡以涪水北有圓石似鏡爲名宋改曰石照赤水廢縣州西北隋開皇八年置因水爲名屬涪陵郡唐屬合州元和志縣至州一百里本漢墊江縣屬地九域志熙寧四年省入銅梁七年復置去州一百三十里蓋徙而北也元至元二十一年省入石照

釣魚廢城宋淳祐三年四川制置使余玠知重慶用冉璉謀徙城釣魚山以拒元元憲宗九年親督諸軍攻城不克至元二年元帥按東與宋兵



戰於釣魚山，敗之。四年，總帥汪良臣請立砦於毋章德山，以當釣魚之衝。十五年，州將王立以城降。

讀書臺有二：一在東臺山，漢末薛融讀書處；一在牟山，唐康元良讀書處。

仙臺在龍多山，晉馮蓋羅修煉于上。永嘉二年，舉家十七人仙去。

釣魚臺在釣魚山頂，圓石兀突，巍然若臺，下臨絕壁，俯瞰大江，有巨人足跡，相傳異人坐其上，垂釣江中，插竿之日猶存。

合州志

卷之三

職方

二十一

沉厚堂在舊州署西，偏宋嘉祐間知州任逢建祀唐張柬之，取姚崇所薦語以名堂，有碑存廳壁，今爲捕廳廨。

會江樓即會江門，城樓，杜甫有詩。

紫清樓在州東土主廟前，今廢。

清華樓在州東，宋晁武公有記，今廢。

忠宣樓在州治南街，元成都總兵李德輝受釣魚守城安撫使，王立降，保全闔城民，感更生之德，建李相樓，後以公諡忠宣，更以名樓，今廢。

飛鳥樓在釣魚山，宋乾道辛卯年，邑令杜定建。



去非爲作賦

○養心亭。州東過江二里。學士山麓。宋張宗範所居。背山面水。構亭其中。周濂溪偶至。愛之。題曰養心。而爲之說。

歲寒亭。在州署西南圍牆外。明王珍據蜀。郡人董孝文以兵抗之。守刼石磓。虎頭寨一境賴以保全。後歸明太祖。封萬戶侯。卒命建亭祀之。湯和有詩云。董侯事節並王張。御賜碑亭爲表揚。

尋樂亭。在南津街濂溪書院。明嘉靖辛卯御史邛道隆創取周子尋孔顏樂處語以名亭。明季燬

合州志

卷之三

職方

三十一

於兵。國朝康熙丙戌。吏目蔡之芳重建。乾隆

十三年。知州宋錦。吏目鄧作球重修。有碑。

朝宗閣。在城外下瞰金沙磧。今廢。

松風閣。在銅梁山上。有趙伯業讀書臺。今廢。

駕鶴軒。在龍多山下。臨巉岩。視涪江如帶。烟雲出沒。山之偉觀也。

映書軒。在舊署西北隅。宋守何麒讀書處。有記。見

藝文

瑞應山房。在州署西廡。宋嘉祐元年。周敦頤。參書。合州判官。後人立祠。繪像于學西偏。地下瀕江。



屢圯於水嘉定間魏了翁使東川奏請改賜周子諡曰元又移書少卿安癸仲得官舍于州崗區瑞應山房以祀先生爲作瑞應山房記今改祀南津街合宗書院記失傳

什邡驛墊江志在縣南本傳會雍齒所封國以名何麒詩可憐劉李落息讐小白猶能相射鈎看取陳平三萬戶何如雍齒什邡侯

石庵在釣魚山宋石頭和尚鑿石二十四片合成一庵爲修道之所

黑龍池在栢樹街後濂溪周子判合時講易池上

合州志

卷之三

職方

二十三

旁一老人竊聽須臾大雷雨老人化龍去詳洪悔翁懷古詩序

仙栢在龍多山圍丈有二尺中空而柯葉敷腴殆千百年物也

文筆洲在文明門外涪江中大水洗則出形如卧筆相傳尾過文明門郡士必有魁者又名洗墨池

醉石相傳舊州治前有石郡守何麒醉則休其上因名醉石作賦紀之今已廢不見

石斗在廣濟門外江邊有石方正如斗年豐則梁



見州人每以占歲。

附古碑石刻

唐李陽冰碑在舊署前篆積善之家必有餘慶八字鐫碑四塊字大二尺歲久剥落之家二字乾隆四十二年安岳令應山洪成鼎摸補今移明倫堂右。

吳季子墓銘在巴川縣相傳爲孔子書張從申記云舊石湮滅唐元宗命殷仲容搨本傳之大歷中蕭定再刊則從申所記也集古錄謂孔子未嘗至吳又其字太大非古簡牘所容况又迭傳

合州志

卷之三

職方

二十四

失真耶然以其所從來者从故錄之

李將軍石刻在龍門東八里印士院有將軍祠石刻云故唐將也逃難山中而死葬山陰或曰戰國時人

唐令長新戒舊志在赤水縣開元二十四年立明皇嘗擇縣令百六十三人賜以丁寧之戒其後爲縣者皆以戒刻石集古錄取焉景祐中重刻之

石門彌陀像舊志在石照縣之北巖唐開元州別駕張釗爲刺史孫希莊作



唐韋藏鋒祭山題名在龍多山仙臺側天寶十四  
年刻

涪內水石鏡題名方輿勝覽在州東大江十里有  
石屹立可三丈形如月嵌空圓澈朗映江波水  
涸極始見通志大唐大歷十年三月三日此石  
出時兵甲息黎庶歸六氣調五種熟刺史兼侍  
御史王鋌記又大歷十三年立題名記於石鏡  
之址明翰林郡人鄒智詩江中一大石砥柱中  
流立左右無攀援任他波浪起萬古此江山萬  
古此鏡石康熙年間木筏觸石鏡墜僅存其根惜哉

合州志

卷之三

職方

二十五

盧舍那佛二菩薩記舊志在石照縣之北巖唐長  
慶二年刺史劉溫撰

集聖院記舊志在龍多山唐咸通閒李稽撰

鴈塔題名舊志在赤水縣解唐宣和閒柳城始刻  
置長安慈恩寺蓋揚本也

唐孫樵龍多山錄舊刻刻闕元祐七年劉象功再  
書遒勁可喜

宋狀元馮時行鷲臺院記在龍多山紹興三十二  
年刻

涪縣校記舊志在涪江西四十五里宋郡人度



正立夫子廟自爲記士之向學者始有依歸今廢

宋守劉象功撰巖銘元祐五年鐫

宋守任逢墊江志今失傳有序見藝文

石曼卿書佛號二十四刻釣魚城岩間

龍門鳳穴四大篆字唐李陽水書

進德修業懲忿窒慾八大篆字李陽水書

思無邪公生明六字司馬光書

忠孝慈愛富壽康寧八字李致道書

蒙泉竹鶴四大篆字蘇唐卿書以上俱在薊林書巖爲宋嘉定間郡

合州志

卷之三

職方

二十六

人李元  
庚刻

東山二大字在東山石壁宋趙伯璋書

精修淨業四字在洞子孔明董其昌書

魚城勝槩四大篆字在釣魚城岩壁嘉靖中黎一

夔書

飛鳥樓三字在釣魚城李如晦篆碑存

道衍忠良四大字鐫銅梁洞左壁嘉靖中監察御

史邱道隆書

蜀都標勝四字鐫銅梁洞下無款識

合州戒石刻在舊署儀門甬道中嘉靖四十五



知州沈本泗改爲牌坊

附古墓

濮子墓在城北五里或云在瑞應山俱無考

唐渝州刺史柳玳墓在州西太平里

明翰林鄒智墓在雲門鎮北二里蕭家壩巖前爲

龍泉草堂即智故里上鏤咏石壁詩云石壁凝

圖書萬古掛山巔未入丹青譜應留翰墨篇烈

風吹不展猛雨濯無烟乾坤同久遠長伴相如

軒

明隆慶進士行人司張仲權墓在鮮家壩

合州志

卷之三

職方

二十七

明少司寇胡世賞墓在州治明東一百里鷄公嶺

下

明典膳劉九庵墓在州北二十里石柱灣

附臺

新蕙臺在迎恩門東

集鳥臺在演武門南

轉閣臺在文明門西

抱僊臺在演武門北

